

嘉靖建陽縣志

建陽縣志卷之四

治署志

附坊表

舖舍

詩稱鳥革翬飛君子攸躋故嚮明為治必擇諸
爽塏者所以高堂遠簾養尊正位而臨照萬民
也豈容湫隘不稱哉余廼備述創建始末若其
秩有崇卑隆殺因之矣故志治署

東察院

在縣治西北舊儒學故址正德十一年署印
布政司理問侯壁創建中為正廳貳間前翼

以廊廡中為穿堂左右為廂房又後為堂左右
為寢室外為儀門三間大門一間又外左右各



為屋參間以為官吏戾止之所東西兩坊曰激揚曰貞肅清戎御史王應鵬撰記

西察院

在東察院之右正德十五年知縣邵弼以廢弛扣水寺址創置堂宇規模悉如東院

布政分司

在縣治東隅正統間以舊三官堂創置左右二坊曰咨度曰旬宣成化十三年參政

劉觀立扁

按察分司

在布政分司之西洪武二年知縣吳義建永樂間圯於水宣德三年重建為建寧道

嘉靖八年知縣薛宗鑑重修更今名左右二坊曰振肅曰澄清

府館

在縣治南水陸寺故址舊在縣治前之東正統五年奉部符創建天順六年燬成化間知縣項

旻移建今所成化十三年亦燬十五年知縣海澄重建二十年又燬弘治初同知周時中知縣

張津重建門堂庖福俱備扁曰建溪書院嘉靖十六年燬知縣李東光重建已上五院司嘉靖

辛亥五月十一日俱為洪潦所圮知縣馮繼科皆加修飾一新

縣治

舊在縣之三貴里晉大元中在建忠里唐嗣聖中移建今所宋建炎初經范汝為焚毀紹興二

十一年知縣傅損重建乾道八年知縣王渥於廳之東作二堂曰敬簡曰弦歌淳熙十年知縣

黃謙又建東西兩廊抵中門譙樓廳之西又有二樓曰快倚曰壯哉又有近民堂即冰壺堂也

皆知縣儲公用慶元二年建又有雙溪閣在縣治之南放生池在閣之下元初悉毀於兵惟存

廳事兩廊儀門而已至正甲午達魯花赤黃火兒不花從而新之國朝洪武元年知縣吳義

重修中為正廳廳之東為幕廳東廊為吏戶禮三房而承發司附焉西廊為兵刑工三房而架

閣庫麗焉又前為儀門儀門前為譙樓安建陽
縣三字於上乃朱文公手書也正廳之背為後
堂扁曰勤政又後二十餘步中為知縣衙東為
縣丞衙西為主簿衙典史衙在幕廳之東永樂
十四年秋七月十六日夜被洪水闔縣人家俱
漂流無存移寓福山寺至十八年知縣梁溥仍
於舊址草創署事宣德四年知縣張光啓縣丞
張純主簿唐誠重新創建規模從舊成化十七
年知縣海澄重建譙樓於縣門規模甚宏壯上
揭朱文公所書舊扁左右有二坊曰弦歌曰愷
弟縣廳經久已多損壞嘉靖丙戌歲知縣項錫
重新建造舊扁收愛堂乃以自新堂易之

戒石亭

在儀門內

題名碑記

豎於儀門之東
西記見藝文志

知縣廡 在後堂之北嘉靖甲午知縣張謙建後寢五楹丁酉知縣李東光建中廳五楹

縣丞廡 在知縣廡之東嘉靖癸丑縣丞閔橋改建

主簿廡 在知縣廡之西

典史廡 在知縣廡之東南已上三廡皆卽宋所建丞簿尉三廳舊址為之

讀書室 在縣治川堂之右宋時建有記見藝文志今改為龍亭庫

仕優軒 在川堂之左知縣馮繼科重整扁曰花封清暇

忠靜寅恭二堂 係川堂知縣李東光扁忠靜知縣馮繼科扁寅恭太守謝南湖左書

敬簡絃歌二堂 俱宋乾道間知縣王渥建今廢

近民堂

宋紹興間知縣黃謙建今為縣宇

花廳

嘉靖庚戌歲知縣馮繼科於縣丞廨左畔築圃創造廳室壹所計叁植以為公暇游息所

贊政廳

在自新堂之東太守謝南湖左書

省庫

在縣治內今廢

架閣庫

在川堂之東

版籍庫

在川堂之西

吏舍

在儀門內東西兩畔

儀門

在戒石亭之前

土神祠

在儀門東

縣獄

在縣大門之內右畔

譙樓

在縣治前成化十七年知縣海澄重建

申明亭

旌善亭

上二亭對峙在縣前左右嘉靖己亥燬於火知縣李東光復新之仍選三坊善民陳

泰趙晟彭洙為鄉約長標其名於亭焉

潭城碑記亭

在縣治前

建溪水驛

在縣南三貴里宋置於水南政和間遷縣西改名東陽元因之國朝洪武二年更

今名吳義移建今所未樂十四年圯於水十八
年重建宣德八年知縣張光啓葺而新之成化
十七年增建後廳又建驛官舍於驛左官人巷
額設船十隻夫百名驢五頭馬五疋夫各五名
步夫七十名嘉靖戊戌年前廳燬於火知縣李
東光重建乙巳知縣余燠重修辛亥圯於水知
縣馮繼科飾創
一新扁曰皇華

東峯馬驛

在崇泰里路通邵武宋時在求忠里名麻
沙驛元因之國朝洪武二年改今名知

縣吳義移建今所馬肆疋驢叁頭步夫八十五
名。知縣馮繼科詩破曉出西疇星軺豈漫遊
稻舂溪作碓樹結蠟和油候吏迎何暮田丁報
有秋忽聞邊戍警空抱杞人憂

建陽遞運所

在三貴里洪武九年知縣范子疇建末
樂十四年圯於水宣德三年大使胡澤

成重建正德二年圯知縣區玉重建。知縣馮繼科詩雙桂婆娑蔭露臺秋來金粟獨先開不

知此樹何人種流
播清香建水隈

建陽稅課局

在縣治北街宋時建於南隅名稅務國朝洪武初設為稅課局十三年大使

王貞移建縣西正統六年省十三年復置成化十三年燬知縣張津重建嘉靖九年知縣薛宗

鎰移建今所
即社學址也

后山稅課局

在崇泰里宋大觀三年置名稅務元因國朝洪武三年改為稅課局嘉靖

年間
裁革

后山河泊所

在崇泰里洪武十六年
建正統六年省廢

醫學

在縣東洪武十八年建今廢止
存藥局一間扁曰惠民藥局

陰陽學

洪武十八年建於譙樓之右廢久至嘉靖三十一年知縣馮繼科重建於際留倉之左

僧會司

在三貴里靈峯寺洪武十五年
建今廢止擇各寺之僧領之

道會司

在三貴里崇玄道院
洪武十五年建今廢

公館肆所

宸前公館

在興下里長湍之下去縣三十五里嘉靖壬寅知縣汝齊賢創建為廳三間外

設大門扁曰宸前公館庚戌歲知縣馮繼科重脩中廳扁曰駐節東扁曰藩司西扁曰臬司。內翰勿齋郭希顏詩南浦寧親處長沙謫宦年雙旌隨日月萬戶在雲煙水荇魚翻帶木蘭人

泛船歸途何苦
熱暫醉綠陰邊

后山公館

在崇泰里后山舖之左去縣二十里嘉靖壬子知縣馮繼科以社倉故址創建

計一棟三植兩廊外設大門左右廂房中偏曰后山公館已上二館官司往來中火於此

禾平公館

在禾平里長平街去縣八十里嘉靖已亥知縣李東光以巡按李公元陽提學

江公以達檄建官司往謁文公墓道中火於此

朱林公館

在嘉禾里文公墓上去縣一百四十里官司往謁文公墓道駐宿於此

坊表

叙曰書稱表厥宅里凡以樹風聲昭勸典匪直侈

觀美也但廢興係於時修復存乎人貞教以示坊
將非為政之首務乎哉

狀元坊

為洪武乙丑科丁顯立舊在北街朱紫坊
被燬弘治六年知縣張津改建縣治之南

至嘉靖丁酉復燼於火知縣李東光重建改內
扁為圖書之府及庚戌冬知縣馮繼科重新改
外扁為狀元下橫榜書 國朝屢科進士內扁
為文獻下橫榜書 國朝屢科鄉舉

絃歌愷弟二坊

在鼓樓之左
右今俱燬

振肅澄清二坊

在按察分司前天順
四年御史顧儼立

咨度旬宣二坊

在布政分司前成化
十三年叅政劉觀立

激揚貞肅二坊

在東察院前正德丙子御史王應鵬建

宣化坊

在縣治南舊名太平宣德初知縣張光啓改今名今燬

末秀坊

在縣治北舊名繡衣坊亦曰御史坊因圯於水正統五年為舉人蕭崇扁末秀今燬

丞相坊

在縣治西為宋升之立宣德五年知縣張光啓重建今圯

賢俊同升坊

在縣治前嘉靖庚戌知縣馮繼科為舉人李有年李有則王泰立

三鳳騰霄坊

在縣治北嘉靖癸丑分巡僉事袁公洪愈為舉人李朝佐施在行陳嘉謨立

世賢坊

名禮義坊宣德七年為舉人游敏建今圯

龍躍雲津坊

為成化間舉人趙文建舊名高岡鳴鳳

步蟾坊為舉人

震金建

登俊坊舊名蘭魁坊正統七年

為舉人 丘福建 今圯

登第坊為舉人

袁銛建

濟美坊舊名興賢坊正統五年

為舉人 丁慈立 今圯

亞元坊為舉人

蕭銳建 今圯

德星坊今圯

世科坊為舉人

蕭泗建 今燬

棲隱坊今圯

輔德坊

已上今圮

俱在西街

進士坊

景泰間為御史
丁慈建今圮

亞魁坊

弘治間為舉人
黃觀建今燬

登庸坊

正德間為舉人
呂希武建今燬

嗣賢坊

為舉人朱煊建
已上俱在西街

文英坊

嘉靖間為舉人張
敏建在北街今燬

崇儒坊

今圮

新興坊

今圮

攀桂坊

今圯

已上在三貴里水南

南州闕里坊

宋咸德九年立末樂十一年主簿陳政重建嘉靖乙酉大叅蔡潮改今名

道學淵源坊

正統十三年叅政彭森重立二坊俱在縣西三貴里

景星慶雲泰山喬嶽二坊

正德丙子御史胡文靖建

○ 考亭書院石坊

嘉靖辛卯御史蔣詔建

繼往開來二坊

嘉靖庚寅知縣薛宗鎧建壬子年御史曾公佩命知縣馮繼科重脩

地官坊

在僉憲朱凌門首嘉靖已酉御史楊九澤建

光祿坊

在崇泰里馬舖為宋劉文簡公立嘉靖癸丑知縣馮繼科重脩易扁曰心傳洙泗